

6. MISINMAN BAI MEKIM WANEN?

Olsem sikman tokim dokta pastaim long em kisim marasin, mi mas tokaut olsem Jisas Kraiss em bikpela, bilip long em, tok sori na askim God long tekewe olgeta sin bilong mi na kisim be mi.

Sapos yu tokaut klia long Jisas em i Bikpela, na sapos long bel bilong yu, yu bilip long God i bin kirapim em bek long matmat orait bai God i kisim bek yu. Long bel yumi bilip na God i kolim yumi stretpela manmeri na long maus yumi autim bilip bilong yumi na God kisim bek yumi. Olsem na olgeta man i kolim nem bilong Bikpela na sigaut long em, bai em i kisim bek ol. *Rom 10:9.10, 13*

PREALONG GOD KISIM BEK YOU!

O God, nau mi stap sinman. Mi bilip long Jisas na toksori long ol sin bilong mi. Tekewe olgeta sin bilong mi na kisim bek mi. Jisas, yu kam insait long laip bilong mi. Amen.

Salim adres sapos yu kisim Jisas pinis o laikim helpim

Nem.....

Address.....

DOKTA NA MARASIN

bilong helpim

YUMI

kisim

LAIP

Ol sikman save lukim dokta na dokta save raitim ol toksave bilong ol marasin ol mas kisim long stopim sik i noken igo bikpela na ol ino ken dai.

Olsem tasol, olgeta sinman mas kisim toksave stret long Baibel long stopim dai, pei bilong sin. Sin winim sik leprosy na AIDS. Baibel tok olsem;

1. YUMI OLGETA SINMAN

Baibel i tok long dispela olsem; I nogat wanpela stretpela man i stap. Nogat tru. Nogat, yumi olgeta man yumi bin mekim sin na yumi no inap stap wantaim God long heven. *Rom 3:10*

2. PEI BILONG SINMAN EM DAI

Sin i save givim pei long wok boi bilong em. Dispela pei em dai tasol. *Rom 6:23a*

Em i tromai dai wantaim hell igo daun long dispela bikpela hul igat paia. Dispela ples paia em namba tu dai. *Revelesen 20:14*

Tasol ol man i save prêtena surik bek, na ol man ino bilip, na ol man i mekim kainkain pasin nogut tru, na ol man i kilim ol man i dai, na ol man i save mekim pasin pamuk, na ol man i wokin posin na yusim arapela kain pawa, na ol man i lotu long ol giaman god, na ol man i mekim tok giaman ol bai igo ples bilong ol, em dispela bikpela hul igat hatpela paia i lait long ston salfa. Dispela em namba tu dai. *Revelesen 21:8*

3. DOKTA BILONG HELPIM SINMAN, JESUS CHRIST

Bai em i karim pikinini man, na yu mas kolim nem bilong em Jisas, long wanem, em bai i tekewe sin bilong ol manmeri bilong

en na kisim bek ol. *Matyu 1:21*

Pikinini bilong man i kam bilong painim ol man i lus na kisim bek ol. *Luk 19:10*

Christ Jisas ibin kam long graun long bilong kisim bek yumi manmeri bilong mekim sin. *1 Timoti 1:15*

4. MARASIN BILONG SIN, BLUT BILONG JISAS

Dispela em i blut bilong mi bilong mekim kontrak, mi kapsaitim bilong tekewe sin bilong planti man meri *Matyu 26:28*

Tasol wanpela soldia i sutim sait bilong Jesus long spia, Na wantu blut wantaim wara i kapsait. *Jon 19:34*

Marimari bilong God em i pulap tru, Kraisi dai pinis bilong baim bek yumi, na long blut bilong en, God lusim olgeta sin bilong yumi. *Efesasi 1:7*

5. SINMAN MAS BILIP LONG JISAS NA KISIM LAIP

God igat wanpela pikinini tasol i stap. Tasol em laikim tumas olgeta manmeri bilong graun. Olsem na em givim dispela wanpela pikinini long ol. Em i mekim olsem bilong olgeta manmeri i bilip long em, ol ino ken lus. Nogat. Bai ol i kisim laip i stap gut oltaim oltaim. Man i bilip long Jisas, em i nogat kot. Man ino bilip, em lus pinis long Kot. Long wanem, em ino bin bilip long nem bilong dispela wanpela pikinini bilong God. Man i bilip long pikinini bilong em, em igat laip i stap gut oltaim oltaim. Man ino bihainim tok bilong pikinini em bai ino kisim laip. Nogat. Belhat bilong God i stap long em. *Jon 3:16, 18, 36*

Tru tumas mi tokim yupela, man i bilip long mi em igat laip i stap gut oltaim oltaim. *Jon 6:47*